

CHARTER COMMISSION  
CITY AND COUNTY OF HONOLULU  
711 Kapiolani Boulevard, Suite 1485  
Honolulu, Hawaii 96813

DAGITI SALUDSOD MAIPAPAN ITI CHARTER  
a mairaman iti balota iti Eleksion Heneral inton  
Nobyembre 7, 2006  
a desisyonan dagiti umili ti Siudad ti Honolulu

UMUNA A SALUDSOD

Rebbengna kadi nga ti termino ti Konseho ti Siudad ket masukatan babaen ti alternatibo A ken B iti baba; ken matratar dagiti pakaseknan ti pannakabotos dagiti miembros ti Konseho ti Siudad a nabukel babaen ti pannakadutok da iti masagsaganad a panagtakem iti kada sangapulo a tawen ket masukatan babaen ti Alternatibo A ken B iti baba?

Botosan WEN wenno SAAN

MAIKADUA NGA SALUDSOD

No maaprobaran ti Umuna a Saludsod, ania kadagiti lungalong maipapan iti termino ti panagtakem ti maysa a miembro ti Konseho ti mayadaptar?

ALTERNATIBO A. Maikkat ti limitado ken masagsaganad a panagtakem dagiti miembros ti Konseho.

ALTERNATIBO B. Malimitaran iti tallo nga agsasaganad a sag-uppat a tawen ti kabayagan a panagtakem dagiti miembros ti Konseho, ket maikkat ti agsasaganad nga panagtakem da.

Botosan A wenno B

MAIKATLO A SALUDSOD

Rebbengna kadi nga ti maysa a porsiento ti amilyar ket mailatang iti pondo para iti konserbasyon dagiti dag-daga ken para kadagiti nalalaka a balbalay?

Botosan WEN wenno SAAN

MAIKAPAT A SALUDSOD

Rebbengna kadi a ti bileg, pagrebbengan ken trabaho ti Direktor ti Environmental Services ket iramanna ti curbside recycling?

Botosan WEN wenno SAAN

MAIKALIMA NGA SALUDSOD

Rebbengna kadi nga maikkan ti Ethics Commission ti bileg nga mangiyetnag iti multa kadagiti nabotosan nga opisyal no aglabsingda kontra iti pagannurotan ti nasayaat a kababalin?

Botosan WEN wenno SAAN

MAIKANEM A SALUDSOD

Rebbengna kadi nga dagiti puli nga addaan laeng iti dua a kandidato ket mapili da kabayatan ti Eleksion Heneral imbes nga kabayatan ti Eleksion Primarya?

Botosan WEN wenno SAAN

MAIKAPITO A SALUDSOD

Rebbengna kadi nga maikkat ti bileg ti Konseho ti Siudad a saan a mangannamong ti rekomendasyon ti Salary Commission?

Botosan WEN wenno SAAN

MAIKAWALO NGA SALUDSOD:

Rebbengna kadi a ti maysa kadagiti prioridad ti Department of Transportation Services ket ti mamagbalin ti Honolulu a kas siudad a pedestrian ken bicycle-friendly, ket ti bileg, pagrebbengan ken trabaho ti Direktor ti Transportation Services iramanna ti bikeway system?

Botosan WEN wenno SAAN

MAIKASIAM A SALUDSOD

Rebbengna kadi a ti posisyon ti Liquor Administrator, Deputy Administrator ken Secretary ket mailaksid da iti probisyon ti serbisyo sibil?

Botosan WEN wenno SAAN

MAIKASANGAPULO NGA SALUDSOD

Rebbengna kadi nga maamendaran ti Charter tapno mainayon dagiti serbisyo nga iti agdama ket ar-aramiden ti Emergency Services ken ti Hepe ti Fire Department?

Botosan WEN wenno SAAN

### MAIKA-SANGAPULO KET MAYSA NGA SALUDSOD

Rebbengna kadi nga agpaso ti capital budget appropriation iti uneg ti 12 a bulan kalpasan ti kada tawen imbes nga ti agdama nga 6 a bulan?

Botosan WEN wenno SAAN

### MAIKA-SANGAPULO KET DUA A SALUDSOD

Rebbengna kadi nga maamendaran ti Charter tapno mairaman ti pannakaipakaammo iti publiko babaen ti elektroniko a wagas ken ti pannakaamendar ti pagannurotan dagiti agpanpanday linteg (i) tapno maiyataday iti agdama nga trabaho ken operasyon, (ii) tapno mayataday iti legal nga kasapulan (iii) tapno makorehir ti saan nga naigagara a panagbay-bay-a, ken (iv) ti pannakailawlawag dagitoy?

- (a) Rebisarena ti bileg, pagrebbengan, ken trabaho ti Direktor ti Information Technology;
- (b) Mairaman ti Direktor ti Customer Services iti listaan dagiti pangulo ti departamento nga apointaran ti Mayor babaen iti pammalubos ti Konseho ken mabalin met nga ikkaten ti Mayor;
- (c) Mairaman ti nailanad iti Konstitusyon ti Hawaii ti pannakaipawil kadagiti miembros ti Ethics Commission nga makipagpartisipar iti aniaman nga kampanya political;
- (d) Maikkat koma ti paglintegan a mangipawil kadagiti empleado ti Departamento ti Polisia nga agkampania ta kunada a daytoy ket saan nga nainkalintegan;
- (e) Maikkat ti Administrador ti Civil Defense manipud iti listaan ti pangulo dagiti departamento nga apointaran ti Mayor babaen ti pammalubos ti Konseho ken mabalin met nga ikkaten ti Mayor;
- (f) Maikkat ti numero ti Social Security kadagiti petition ti pannakapasubli, nailungalong nga ordinansa, ken pannakapabaro ti charter;
- (g) Kasapulan met a mapakaammuan ti publiko babaen ti elektroniko a wagas.

Botosan WEN wenno SAAN

Para ti ad-adu pay nga impormasyon, kontaken ti Charter Commission iti 592-8622 wenno iti [charter@honolulu.gov](mailto:charter@honolulu.gov) wenno bisitaen ti website da iti <http://www.honolulu.gov/chc>.